



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolae per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Membrum V. De Lectione Spirituali.

[urn:nbn:de:hbz:466:1-48834](#)

rentes. Sed & S. Climacus grad. 28. vocat Orationem Matrem, Reginam, Cibum & fontem virtutum, gratiarum misericordiam, & profectum invisibilem. Unde & ipse Christus S. Catharinæ Senensi Dial. c. 66. dixit: *Noveris, Filia charissima, quod in Oratione humili, continua, fidelis, cum vera perseverantia lucratur anima perfectionem, & omnem virtutem.*

Praxis.

I. Hæc in eo consistit, ut, quemadmodum Sacerdotes suum Officium diurnum, ita ij, qui Sacerdotes non sunt, Officium saltem B. Virginis, si fieri commodè potest, & quidem distinctis per intervalla horis, attente, reverenter ac devotè recitent.

II. Deinde, ut etiam Rosarium seu Corona B. Virginis devotè quotidie percurratur; cum enim B. Virgo, ut aliquando S. Teresiæ revelatum est, Exercitiorum horum quodammodo Autrix & Fundatrix sit, eaque S. Ignatium docuerit, atque adeò singulari studio ad illorum fructuosum usum haud dubiè cooperatura sit, æquum sanè videtur, ut benevolentiam illius is, qui Exercitia hæc obit, specialibus obseruijs, inter quæ Rosarij recitatio non postremum est, demereri studeat.

III. Denique ut, si occasio ferat, interdiu SS. Eucharistia Sacramentum visitare, & devoto Hymno vel alia simili oratione venerari & invocare non omittat; dici enim vix potest, quantum ad tenerum devotionis internæ sensum excitandum hæc DEI incarnati corporalis præsentia fortiter menti impressa conducat; unde meritò Directores horum Exercitiorum magnopere semper commendant frequentiorem hoc tempore SS. Sacramenti visitationem.

MEMBRUM V.*De Lectione Spirituali.***Natura & Scopus.**

I. Cum, ut superiore membro vidimus, Lectio Spiritualis sit quasi auditio DEI loquentis, & quasi exhortatio quæpiam privata ab eodem ad nos facta facile colligitur, quis Scopus debeat esse præfixus huic Lectioni, scilicet, ut

cognoscamus voluntatem DEI atque ad eandem vota animo conatu exequendam excitemur.

Æstimatio.

Quanti facienda sit pia hæc Lectionis Spiritualis exercitatio, breviter & sapienter indicat S. Isidorus, dum l. 3. de summo bono dixit: *Qui vult cum DEO esse, frequenter debet orare & legere.* Nam cùm oramus, ipsi cum DEO loquimur: cùm vero legimus, DEVS nobiscum loquitur. Omnis profectus ex Lectione & Meditatione procedit. Ceterè experientia constat, primarias aliquas conversiones & reformationes per hanc lectionem fuisse procuratas, uti ex S. Augustini, S. Ignatij, aliorumque exemplis videre est. Neque hoc mirum adeò cuiquam videri debet; si enim tot, tamque celebres conversiones per publicas Conciones effectæ sunt, quidni similis efficacia ipsi etiam Spirituali Lectioni attribuatur quæ, ut dictum est, quasi privata Concio dici potest, habetque plura privilegia, quibus publicas Conciones superantam 1. Concionator talis haberi potest, quando placet. 2. Haberi quoque potest talis concio, quamdiu placet. 3. Materia pro libitu eligi potest. 4. Si quid sub hac concione placeat, semel, iterumque relegendi reperi potest. 5. Veritas sine pudore & verecundia liberè dicitur, & auditur in tali concione.

Praxis.

I. Consistit hæc praxis in tribus præcipue industriis.
1. Ut Materia Lectionis sit studiosè selecta, apta que ad ipsum finem, quem per Exercitia præcipue querimus, facilius consequendum. Unde Directorium c. 3. n. 2. monet, ut ipse Exercitans moneatur, doceaturque, hanc lectionem ad Meditationem dirigere, non legendō cursim ayiditate sciendi & videndi nova, sed immorando & perpendendo accurata, quæ legit, & intrandi in eosdem affectus.

II. Secundò, ut Lectio hæc moderata sit, ne nimia Lecture vires exhaustantur, & tempus Meditationi, cui omni servire debent, subtrahatur. Hinc ut occasio curiosæ aut nimiae Lectionis præcidatur, suadet Directorium, ut præter Breviarium aut Officium B. Virginis, librum de Imitatione Chri-

Christi / ex quo quotidie unum sicutem aut dimidium caput de industria selectum, & præter hoc interdum una, alterave sententia fortuitò sortita legi debet) & alium quempiam historias aut salutares doctrinas continentem vix aliis liber in cubiculo relinquatur.

III. Tertio ut pia quoque & fructuosa sit Lectio, cùm que in finem ab Oratione brevi inchoetur, & claudatur, imo & interrumpatur, ut S.Bernardus in Epist. ad Fratres de Monte monet, dum ait: *Hauriendus Lectionis serie affectus est, & formanda Oratio, qua Lectionem interrumpat, & non tam impedit interrumpendo, quam puriorem continuè animam ad intelligentiam Lectionis restituat.* De reliquo vero consilium pij Ascetæ l. 1. de imit. e. s. obseruetur dicentis: *Omnis Scriptura Sacra eo Spiritu debet legi, quo facta est. Quarere potius debemus utilitatem in Scripturis, quam eloquentiam sermonis. Si vis profectum haurire, legi humiliter, simpliciter, & fideliter applicando doctrinam, quam legis, atque ad praxin dirigendo.*

MEMBRUM VI.

De Examine Generali.

Natura & Scopus.

Ex quinque punctis, quæ communiter ad Examen requiruntur, videlicet Gratiarum actione pro acceptis beneficiis, petitione gratiæ & luminis ad peccata sua cognoscenda, operum suorum discussione, dolore efficaci de peccatis commissis, & serio emendationis proposito, facilè colligitur, triplicem huic Examini Scopum præfixum esse debere, videlicet 1. Gratam beneficiorum à DEO acceptorum memoriam, ut dum Homo fluminum more ad mare immensum divinae liberalitatis per grati animi obsequium revertitur, iterum fluere, novaque beneficia accipere mereatur; nam jugiter, teste Cassiodoro super Psalm. *sibi subvenire facit, cui collatum beneficium ante oculos semper afflit;* & invitat ad magna, qui gratanter accipit modica. 2. Cogitationem sui intimam; iste namque, teste D. Gregorio l. 10. mor. c. 22. *Inforum labor est in hac vita, ut semetipos inveniant,* & invenientes flendo & corrigendo ad meliora perducant. 3. Seriam